



Synfocity = 704

mail us at : mzsynfo@gmail.com; mizoramsynod@gmail.com - Phone - 2314648

September 27, 2018

☐ Nu leh Pa Ni leh Kristian Chhungkaw Ni

Sept. 30, 2018 (Pathianni) hi kumin Beihruah ni hnunung ber a ni a, special programme niin chawhnuah Nu leh Pa Ni programme hman a ni ang a, 'I nu leh pa chawimawi rawh' tih thupui zir a ni ang a, zanah Kristian Chhungkaw Ni programme hman a ni leh ang a, 'Kristian Chhungkaw tih tur - Pathian tih' tih thupui zirho a ni ang.

Beihruah programme hi Sept. 1 atang khan hman tan a ni a. Sept. 3 - 9 chhung khan 'Ramthar Hapta' hman a ni a, Sept 10 - 24 chhung khan 'Kohhran Pate' chanchin zirho leh a ni a, September 25 - 30 chhung hian 'Kristian Chhungkaw Hapta' hman a ni leh a ni. Beihruah hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihruah Thupui hi bu khata siam tan a ni.

Kumin hi Beihruah Kum 100 na a ni a, kum 2016 Synod thurel General 9-ah "Beihruah kum 100-na hriatrengna hlawk zawka hman dan tur siam" tia lo rel tawh chu Kohhran hrang hrangah tha taka bawhzui a ni.

☐ Kohhran Inpumkhatna leh Thawhhona Seminar

Waviin (Sept. 27) hian District 5 - Lunglei, Serchhip, Champhai, Kolasib leh Serchhip-ah te Kohhran Inpumkhatna leh thawhhona Seminar thawh hnihna neih a ni.

Seminar hi Zone 5 -ah then a ni a, Zone khatna hi Lunglei District, Lawngtlai leh Saiha District huam chhunga miten Lunglei Chanmari Kohhran Hall-ah an hmang a, Rev. R.C. Lalngakliana, Administrative Secretary-in a kaihuaiin Synod Finance Officer Rev. H. Remthanga'n paper a chhiar a. Kal zat 149 an ni.

Zone hnihna hi Serchhip District huam chhunga miten Serchhip Kawnpui Kohhran Hall-ah an hmang a, Synod Moderator Rev. F. Lalrinnunga'n a kaihuai a, Rev. Dr. H. Vanlalaua'n paper a chhiar a. Kal tura beisei mi 200 an kal kim thei a ni.

Zone thumna hi Champhai District huam chhunga miten Champhai Vengthlang Kohhran Hall-ah an hmang a, Synod Statistician Rev. R. Lalnuntluanga'n kaihuaiin Rev. Dr. H. Lalrinthanga, Associate Professor, ATC-in paper a chhiar a. Kal zat 292 an ni.

Zone li-na hi Kolasib Diakkawn Kohhran Hall-ah an hmang a, Rev. PC Pachhunga, Executive Secretary-in kaihuaiin Rev. Vanlalrova Khiangte, Principal, MTC-in paper a chhiar a. Kal zat 185 an ni.

Zone nga-na hi Mamit Kohhran Hall-ah an hmang a, Upa R. Dengzikpuia, Synod Secretary-in kaihuaiin Rev. Dr. B. Lalnunzira, Associate Professor, ATC-in paper a chhiar a. Seminar-a kal zat 204 an ni.

Seminar-ah hian Kohhran tin aiawha kal tura ruat Pastor, Pro. Pastor leh Minister te an kal tha hlawm hle a. Sawihona hun tha tak neih a ni bawh.

☐ Finance Deptt

Sept. 21 - 28, 2018 chhung hian Kolkata leh Siliguri-ah Income Tax dawr leh Account enfelin Pu Zaihmingthanga Fanai, Accountant a kal.

☐ MSSU

Sept. 29, 2018 (Inrinni) hian Maubawk Sikul Veng Kohhran-ah Sunday School Zirtirtu training neih a ni a, MSSU Asst. Coordinator Upa Lalthahluna Ralte leh MSSU trainer Upa K. Vanlalngaha, Ramhlun East te an kal a, zan inkhawmah 'Fanau Enkawh chungchang' thuchah Upa Lalthahluna Ralte, Asst. Coordinator-in a sawi bawh ang.

☐ Worship Deptt.

Sept. 25 - 27, 2018 chhung hian Darlawnah Zai hruai training neihpuuin Pu Lalromawia, Senior Instructor leh Upa Thanghuta, Dam Veng te an kal.

☐ Trust

Sept. 25, 2018 (Thawhlehi) khan Sateek-ah Pastor Quarters siamthat ngaite enfelin Pu Lalhriatrenga, JE a kal a, September ni 26 Nilaini khan Damparengpui-ah Mission School chungchang enfelin Rev. K. Lalrinmawia, Secretary Mission Board leh Pu Lalramenga Royte, JE te an kal.

☐ Kohhran Hmeichhia

Sept. 29 & 30, 2018 hian Hortoki Bial leh Chhingchhip Bialah te Leadership training leh Kristian Chhungkaw Campaign nei turin Central Kohhran Hmeichhe Committee member-te hetiang hian an kal ang.

Hortoki Bial - Pi P.C Lalhmangaihi, Pi Denghmingliani leh Pi Thanghlupuii

Chhingchhip Bialah - Pi B. Bualchhumi, Pi Vanlalpari leh Pi Zonunsangi

Contd..

□ **KTP**

Presbyterian Church of India hnuai Kohhran Thalai pawl insuihkhawmna Presbyterian Youth Fellowship chuan Biennial Conference an neih loh kuma intawhkhawmna an neih thin, Youth Camp chu Ramhlun North Kohhrana nghah turin rel a ni.

PYF Youth Camp hi Oct 19-21, 2018 chhunga Manipur Presbyterian Singlup thlen tura rel a ni a, rokhawlhna eng emaw an neih avangin an thleng leh thei dawn lo a. PYF hruaitu lamten a thlengtu tur an ngaihtuah a, Mizoram Synod leh Central Kristian Thalai Pawl te dawrin Mizoram Unit chu thleng turin an ngen a, an ngen ang hian Mizoram Unit chuan a lo thleng dawn a ni.

PYF Youth Camp neih hun tura ruatah hian Central KTP lamin October thla chhunga programme a lo ruahman lawk tawh avangin November 9-11, 2018 chhungin Ramhlun North Kohhran Biak Inah Youth Camp hi neih a ni dawn ta a ni.

□ **Praise On 2018**

Sept. 18 & 19, 2018 khan Synfo buatsaih Praise On 2018 Round I chu Mission Veng Kohhran Hall-ah tluang taka neih a ni a, First round-ah hian tel tura hming pe 61 atangin 55 an inlan thei a ni. Result hi Sept. 21, 2018 (Zirtawpni) zan khan puan a ni. Second Round lut te hi Oct. 16-19, 2018 chhungin a hmun ngaiah intihsiakna neih leh tur a ni.

Second Round lutte chu (An tih that dan indawta rem a ni lo):

- | | |
|--------------------------------------|--------------------------------------|
| 1. Leitan South Branch | 17. Chanmari West Hmarveng Branch |
| 2. Bawngkawn Branch Group 2 | 18. Aizawl Branch, Venghlui |
| 3. Saikhamakawn Branch | 19. Tuikhuahtlang Branch |
| 4. Dawrpui Branch | 20. Mission Veng Branch |
| 5. Ramhlun North Branch – White | 21. Tuikual Branch – Armour of Faith |
| 6. Tuikual North Branch | 22. Chaltlang Branch Band 1 |
| 7. Chaltlang South Branch | 23. Kanan Veng Branch |
| 8. Falkland Branch | 24. Ramhlun North Branch – Blue |
| 9. Tuikual Branch – Radio Light | 25. Bawngkawn Branch Group 1 |
| 10. Venghlui Branch | 26. Durtlang Branch |
| 11. Dawrpui Vengthar Branch – Band 2 | 27. Electric Vengthlang Branch |
| 12. Model Veng Branch | 28. Republic Veng Branch |
| 13. Ramhlun Branch | 29. Ramhlun Venglai Branch – Band 1 |
| 14. Bungkawn Branch | 30. ITI Veng Branch |
| 15. Champhai Vengsang Branch | 31. Ramthar North Branch |
| 16. Khatla East Branch | 32. Chanmari West Branch – Group 2 |

Synod Information & Publicity (Synfo) Reality Show buatsaih mek Praise On 2018 - Beat Group intihsiakna kal mekah Round 2 intihsiaka tel thei chin group 32 thlan chhuah an ni tawh a. A kalpui zel dan tur ruahmanna relin Sept. 24, 2018 (Thawhtanni) khan Praise On Programme Committee an thukhawm a, Sept. 25, 2018 (Thawhlehi) khan Reality Show 2018 Thawh 2-na “Fakzai” buatsaih turin Programme Committee leh CKTP Fakzai Sub Committee te an thukhawm leh baw. Praise On Organising Committee chuan intihsiakna ni lo, Fakzai programme bik chu CKTP kuta dah a remti a. Hemi chungchang bawhzui hian Sept. 26, 2018 (Nilaini) zan inkhawm banah Praise On Organising Committee puipa thenkhat leh CKTP hruaitute an thukhawm leh baw a ni.

Praise On 2018 Round 2 hi Mission Veng Kohhran Hall-ah October 16, 17 & 18 zana neih tura ruahmanna siam a ni a. Oct. 16, 2018 (Thawhlehi) zan dar 6:45-ah tanin CKTP General Secretary T.Upa Rochungnunga'n hunserh a hman ang a, band 13 an intihsiak ang a, Oct. 17, 2018 (Nilaini) zan inkhawm ban dar 8:45-ah tan lehin Synod Executive Secretary Rev. P.C. Pachhunga'n hunserh a hman zawhah band 6 an intihsiak ang a, Oct. 18, 2018 (Ningani) zan dar 6:45-ah tanin Synfo Committee member Upa F. Lalfakzuala'n hunserh a hman ang a, band 13 te an intihsiak leh dawn a ni.

Round 2 intihsiaka tlingte hi an zai hma ni chhun lamah Mission Veng Kohhran Hall-ah enlawkna (rehearsal) nei vek tura ruahmanna siam a ni a. Round 2 Intihsiakna results hi Oct. 20, 2018 (Inrinni) zan dar 9:00-ah Synfo Studio atangin Hruaina Eng channel-ah tihchhuah tura ruahman a ni a. Round 2 intihsiaknaa tling band 10 (top ten) thlanchhuahte chu Nov. 6-8, 2018 chhungin an intihsiak leh ang a, Results puan leh lawmman sem chu Nov. 9, 2018 (Zirtawpni) zana neih tura ruahman a ni baw.

□ **MTC**

Sept. 28, 2018 (Zirtawpni) hian MTC Chapel, Mission Vengthlangah Short Course Missionary Training programme hman a ni dawn a, Synod Mission Board Secretary Rev. K. Lalrinmawia'n a hmanpui ang.

Programme hi Rev. Vanlalrova Khiangte, Principal MTC-in a kaihrui ang a, Rev. K. Lalrinmawia, Mission Board Secretary-in Certificate semin thu sawina a nei ang a, inthlahna thu Rev. Lalduhawma Ralte leh Trainees atangin Pu Lalramchuana leh Lalawmpuia ten an sawi ang a, Pi Debbie Lalnunhlui hnen atangin fakna hla ngaihthlak a ni baw ang.

☐ **Revival Deptt.**

◆ Synod Revival Speaker-ten hetiang hian Camping/Crusade nein hun an hmang ang:

Sept. 24 - 30, 2018	T. Lalrochanga, Speaker	Ṭawipui 'S' I	Crusade
Sept. 25 - 30, 2018	T.Upa C. Laltlanthanga, Speaker	Tuirial	Crusade
Sept. 25 - 30, 2018	T.Upa C. Lalramzauva, Speaker	Kolasib Tuiṭha Veng	Crusade
Sept. 25 - 30, 2018	H. Lalṭanpuia, Speaker	Bungbangla KH	Crusade
Sept. 25 - 30, 2018	T.Upa P.C Lalramchhana, Speaker	Zokhawthar	Crusade

◆ Oct. 2 - 6, 2018 chung hian Synod Revival Camping Center, Neibawihah a duh apiang tan Camping buatsaih leh a ni dawn a. Speaker tur chu Jerry Lalṭanpuia, Krista Remna Palai Team a ni ang. Camping Fee Rs. 100/- mi pakhat tan a ni a, Mut bu bakah Bible, Hla bu, Pen, Note bu ken tur a ni. Camp neihna hmun Neihbawih-ah Chhun dar 11:00 aṅanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4:00 hnu lamah in-register theih a ni lo ang. Tun ṭum camp-ah hian mawhpur turin Ramhlun Pastor Bial ruat an ni.

☐ **Campus Ministry**

Sept. 24, 2018 (Thawṭanni) khan Govt. J. Thankima College-ah hun an hmang a. Sept 25, 2018 (Thawhlejni) khan Apollo School of Nursing-ah hun an hmang leh a ni.

☐ **Prison Ministry**

Sept 27 - 30, 2018 chung hian Lawngtlai District Jail-ah Pu Lalnuntluanga Pudaite, Revival Speaker leh a Team te hmangin Crusade neih a ni.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Bairabi	Damlo	2	Rs. 12,000/-
2.	Khawhai South	Damlo	1	Rs. 8,000/-
3.	Hlimen Dam Veng	Damlo	1	Rs. 8,000/-
4.	Chhingchhip Venglai	Damlo	1	Rs. 8,000/-
			TOTAL	Rs. 36,000/-

☐ **Zin**

Sept. 24 - 28, 2018 chung hian Churachandpur-ah Manipuri Presbyterian Church Working Committee nein Rev. B. Sangthanga, Executive Secretary a kal.

☐ **Hruaina Eng FM Radio**

◆ **SEPTEMBER 28, 2018 (FM Zoawi Aizawl & FM Lunglei @ 7:30 p.m.):**

SOLO : R. Lalrinmawii(Arini) - Krawh ah khan, ZAIPAWL : Zotlang kohhran Zaipawl, Lunglei - Beiseina nung, THUSAWI : R. Lalhmunzauva - Life Skills, SOLO : Zorinsanga Sailo - Min hual reng thin, ZAIPAWL : Mizoram Synod Choir 6- Lal a ni

☐ **Hruaina Eng TV Programme**

Susamachar Prasaran Programme

◆ **SEPTEMBER 30, 2018 (Pathianni) 5:00 pm. :**

Group/Choir/Solo : Karbi Presbytery Choir - O Jisu, Group/Choir/Solo : Chanmari Masihi Sangati - Aaradhana, Sermon : Rev Laltharzuala - Masib hamara Adarsh, Group/Choir/Solo : Siyon Swaram - Bharat Desh Mahan, Group/Choir/Solo : Aizawl South West - Prabo Tumor

◆ **SEPTEMBER 30, 2018 (Tv Programme) @ 4:00 - 6:00, 8:00 - 9:00 p.m) :**

Sermon : Rev. C. Lianhmingthanga - Lal Isua lo kal chhan, Weekly Round Up, Sawihona : Kohhran leh Politics - I

HRIATTIRNA

Aizawl District tih loh District dang zawng tan Synod Moderator leh Secretary te Presbytery Inkhawmpui Chibai bukna thawnchhuah a ni a, hmu lo palh kan awm chuan a hma lamin Synod Office-ah in-report tura hriattir kan ni e.

Sd/-
Superintendent
Synod Office, Mizoram Synod

AIZAWL THEOLOGICAL COLLEGE, DURTLANG LEITAN : MIZORAM

ATC ADVERTISEMENT FOR COURSES OF STUDY 2019-2020

Kum 2019-2020 Academic Session atan heng a hnuaia course hrang hrangah te hian admission dilna hawn a ni e.

Diploma in Clinical Pastoral Counselling (DCPC) : Kum 1 zir

Thiamna ngaite : B.A. /B.D. leh a tlukpui leh a chunglam

Entrance Exam : march 21, 2019; 9:30 AM

Interview by the Board : March 22, 2019; 10:30 AM

Bachelor of Divinity (B.D.) (Hindi)

Thiamna ngaite : Kum 5 zir tur tan HSSLC & Kum 4 zir tur tan B.A. leh a tlukpui

Documents : HSSLC/B.A. Certificate, Marksheet, Kohhran lehkha, Passport size photo 1 copy

Eligibility Test : January 23, 2019; 9:30 AM

Interview by the Board : January 25, 2019; 10:30 AM

Bachelor of Divinity (B.D.) : Kum 4 zir

Thiamna ngaite : B.A. leh a tlukpui leh a chunglam

Entrance Exam : February 13, 2019; 9:30 AM

Scrutiny of B.D. Candidates : February 14, 2019

Interview by the Board : February 15, 2019; 10:30 AM

Master of Theology (M.Th.) : Kum 2 zir

Thiamna ngaite : B.D. (B- Grade leh a chunglam) emaw an zir duh, heng a hnuaia subject tarlan zinga Senate of Serampore College-in a pawm theih thiamna te :

Old Testament, New Testament, Christian Theology, History of Christianity, Missiology, Religions and Christian Ministry (Counselling)

Entrance Exam : January 23, 2019; 9:30 AM

Interview by the Concerned Department & Scrutiny by the Faculty : January 24, 2019; 10:30 AM

Interview by the Board : January 25, 2019; 10:30 AM

Doctor of Theology (D.Th.)

Thiamna ngaite : M.Th. B Grade chin chunglam leh heng a hnuaia subject tarlante atanga CET pass tawh te tan :

New Testament, Christian Theology, Missiology

Departmental Interview : January 24, 2019; 10:30 AM

Interview by the Board : January 25, 2019; 10:30 AM

Heng a chung course hrang hrang tarlante dilna form leh College Prospectus te hi ATC Academic Office atangin emaw ATC Website www.atc.edu.in atangin Hindi B.Th/B.D., tan Rs. 10/-, B.D. & DCPC tan Rs. 100/-, M.Th. tan Rs. 150/- leh D.Th. tan Rs. 200/- in a lakchhuah theih a. Dilna form hi **December 14, 2018** hmian ATC Academic Office-ah thehluh tur a ni e. (late fee Rs. 50/- nen **January 11, 2019** thleng thehluh theih a ni ang). DCPC zir tum te tan erawh chuan **February 28, 2019** thleng dilna form hi thehluh theih a ni thung ang. College website atanga dilna form la te chuan interview hunah dilna form man an pek a ngai thung ang.

Sd/-
Principal

Hriat belh duh nei tan - 03892361139 / 03892361664 emaw; www.atc.edu.in ah zawhfiah/en theih a ni e.